



Broj: 01-50-1-701-5 /22  
Banja Luka, 31.05.2022. godine

**VANJSKOTRGOVINSKA KOMORA  
BOSNE I HERCEGOVINE**  
Branislava Đurđevića 10, 71000 Sarajevo

VANJSKOTRGOVINSKA/BIZNIS/POSREDOVAČKA KOMORA  
BOSNE I HERCEGOVINE  
Branislava Đurđevića 10, Sarajevo

Primijeno: 02.06.2022

Organizaciona jedinica	Klasifikaciona oznaka	Redni broj	Broj priloga
01-4	03-50	215-4-3	

**PREDMET:** Izjašnjenje na Zaključak sa 98. vanredne sjednice Udruženja međunarodnih cestovnih prevoznika tereta Vanjskotrgovinske komore Bosne i Hercegovine, *dostavlja se*  
Veza: Akt broj: 01-4-03-50-215-4-2/22 od 02.03.2022. godine

Aktom sa brojem i datumom veze uputili ste inicijativu za pokretanje hitnog postupka za privremenu suspenziju primjene člana 17. stav 1. pod a) Zakona o akcizama u BiH do normalizacije cijena energenata na tržištu BiH, prema zaključku sa 98. vanredne sjednice Udruženja međunarodnih cestovnih prevoznika tereta, Sektora za transport i komunikacije Vanjskotrgovinske komore Bosne i Hercegovine (u nastavku: VTK).

Imajući u vidu da se navedenim zaključkom traži suspenzija oporezivanja dizel goriva akcizom (u iznosu 0,30 KM/litar), koje je propisano 17. stav 1. pod a) Zakona o akcizama u BiH („Službeni glasnik BiH“ broj: 49/09, 49/14, 60/14 i 91/17), a o čemu je od strane Upravnog odbora UIO traženo izjašnjenje UIO, dali smo mišljenje da predmetna inicijativa nije prihvatljiva sa stanovišta osiguranja makroekonomske stabilnosti i fiskalne održivosti BiH, entiteta i Brčko distrikta BiH, budući da je naplata ovih prihoda sastavni dio ukupnih budžetskih prihoda čija kontinuirana naplata je upravo uslov pomenute stabilnosti i održivosti, a za koje su institucionalna osnova i jedinstven sistem uspostavljeni Zakonom o sistemu indirektnog oporezivanja u BiH („Službeni glasnik BiH“, broj: 44/03, 52/04, 34/07, 4/08, 49/09, 32/13 i 91/17).

Kao što je i u odgovoru na raniju inicijativu vezano za zaključak sa 2. vanredne sjednice Odbora udruženja prevoznika u međunarodnom i međuentitetskom cestovnom prevozu putnika VTK dato mišljenje, pored imperativa izvršavanja nadležnosti i funkcije podržavanja makroekonomske stabilnosti i fiskalne održivosti u BiH, neophodno je osvrnuti se i na obaveze koje je BiH preuzela potpisivanjem Sporazuma o stabilizaciji i pridruživanju između Evropskih zajednica i njihovih država članica, s jedne strane i BiH s druge strane („Službeni glasnik BiH“ – Međunarodni ugovori, broj: 10/08), u pogledu postepenog usklađivanja zakonodavstva sa pravnom stečevinom EU.

S tim u vezi još jednom podsjećamo na minimalno ustanovljene iznose akciznog opterećenja naftnih derivata ustanovljene Direktivom Vijeća 2003/96/EZ o restrukturiranju sistema Zajednice za oporezivanje energenata i električne energije. Ovom direktivom se usklađuju najniži nivoi oporezivanja energenata i električne energije akcizama, odnosno utvrđuje minimum akcize u zavisnosti od osnovne namjene energenta, pored ostalih i kao pogonskog goriva. U vezi toga konstatujemo da je opterećenje dizel goriva u BiH u granicama ustanovljenih minimuma. Takođe možemo konstatovati da BiH ima jednu od najnižih stopa PDV-a koja se primjenjuje na pogonska goriva u Evropi.

Osim naprijed navedenih aspekata neprihvatljivosti predmetne inicijative iz zaključka sa 98. vanredne sjednice Udruženja međunarodnih cestovnih prevoznika tereta VTK, mišljenja smo da suspenzija akcize nije garancija smanjenja cijena goriva na tržištu.


Iz svih navedenih razloga UIO ostaje pri stavu da rješenje za poboljšanje položaja prevoznika treba tražiti u podsticajima od strane nadležnih ministarstava, politici direktne kontrole cijena naftnih derivata u vanrednim prilikama i na prihvatljiv rok, dakle primjenjujući efektivne mjere ekonomske politike za kojima su posegnule i pojedine zemlje okruženja, a bez preuzimanja iznimnih rizika u oblasti oporezivanja akcizama, do kojih bi tražene mjere po mišljenju UIO neminovno dovele.

Naprijed izloženo izjašnjenje UIO, dostavljamo vam kao podnosiocu predmetne inicijative, shodno zaključku Upravnog odbora sa 55 sjednice. Ujedno napominjemo da UIO provodi propise i politike koje utvrdi Vijeće ministara na prijedlog Upravnog odbora, shodno odredbama člana 3. i 4. Zakona o sistemu indirektnog oporezivanja u BiH.

S poštovanjem,

**Dostaviti:**

- ① Naslovu
2. UO (na znanje)
3. 01/1
4. 04
5. a/a



**DIREKTOR**  
*Miro Džakula*  
**Dr. Miro Džakula**